

INUIT ATAQATIGIIT INATSISARTUNI



Februar 2026

UPA2026/136

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nunatta kangianut tulluarsakkamik ilinniarfimmik, Tasiilami inissinneqartussamik pilersitsinissaq pillugu Naalakkersuisut siunnersuusiornissamik peqquneqarnissaannik Inatsisartut aalajangiiffigisassaattut siunnersuut. Ilinniarfik assigiinngisitaartumik ilinniarfiullunilu piginnaasaqalerfiunissaa tunngavigneqassaaq. Siunnersuut UPA2027-mi saqqummiunneqassaaq.

(Inatsisartunut ilaasortaq Iddimanngiiu Jensen Bianco, Inuit Ataqatigiit)

Tunngavilersuut:

Meeqqat atuarfianni naammassisartunik ingerlariartitsinissaq pingaaruteqarluinnartut ilagaat. Tasiilami meeqqat atuarfiani atuartut 300-jut sinnerpai, anguniakkallu ilagiuassuaat tamakkerlutik arlaatigut ingerlariaqqinnissaminnut alloriarfissaqarnissaat.

Nunatsinni ilinniarfiit tamakkerlugit nunatta kitaaniipput, taamaammat pissusissamisoorluinnarpoq nunatta kangiani aamma ilinniarfimmik pilersitsinissaq. Qaffasissutsit assigiinngitsut eqqartorneqarsinnaapput.

Nunatsinnimi naleqartitatta pingaarnersaat kulturikkut pisuussutsit tunumi kinguaariinniit kinguaariinnut ingerlateqqitat immikkuullarilluartut suli pigaagut. Taamaattumik ilinniakkamik assassorfiusumiit atuagarsornikkut qaffasissunut sammineqarluarsinnaanerata takorlooruminarluinnarpoq.

Ilinniarfittaarnissaq naligiinnerusumik ineriartortitsinermut pingaaruteqartuuvoq. Inuusuttut amerlanerusut ilinniakkaminnik naammassinnittalernerat suliffeqarnermut periarfissanik annertusissaaq aammalu sivirusumik isigalugu inuiaqatigiinnut aningaasatigut iluaqutaassaaq. Taamaattumik pisariaqartuuvoq Naalakkersuisut siunnersuummik suliaqarnissaat, taamaalilluni nunatta kangiani inuusuttut periarfissinneqarlutik ilinniagarsinnaalernissaminnut periarfissinneqassagaluarpot.

Tunumi ineriartortitsineq ukiorpassuarni sumiginngaavoq, naligiinnerusumik nunarput ineriartornissaminut periarfissinneqaraluarpat nunatsinnut kivitseqataaneq nunatut patajaannerusumik inississinnaanera takorluugaraara. Nalunngilluinnarpara tunumi nunatsinnut pilersueqataalluinnarsinnaagatta, taamatuttaarlumi ilinniarnikkut tunniussinnaasagut annertulluinnarput.

Qinigaaffiit arlaqartuni qulequtaq utikajaarpoq, ilaatigut akuerineqartaraluarluni ipisinneqartarmat neriutiginarpoq Naalakkersuisuniit pimoorullugu sulissutigineqassasoq.

Pisortanut aningaasatigut allaffissornikkullu kingunerisassai:

Naalakkersuisut siunnersuuisornissaat allaffissornikkut ingerlatsinermi AC-mik ilinniarsimasup nalinganik, tassalu ukiumut 500.000 kr.-nik naleqarumaartoq naatsorsuutigineqarpoq.

Namminersortunut aningaasaatigut allaffissornikkullu kingunerisassai:

Soqanngilaq.

Innuttaasunut aningaasatigut allaffissornikkullu kingunerisassai:

Soqanngilaq.